



ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ
ԳԵՂԱՐՔՈՒՆԻՔԻ ՄԱՐԶՊԵՏ
ՈՐՈՇՈՒՄ

N 310-Ա

10 հունիսի 2025 թ.

ՎՈԼԵՅԲՈԼԻ 2025 ԹՎԱԿԱՆԻ ՄԱՐԶԱՅԻՆ ՄՐԾԱՇԱՐԻ ԿԱԶՄԱԿԵՐՊՄԱՆ ԵՎ
ԱՆՑԿԱՑՄԱՆ ՄԱՍԻՆ

Ղեկավարվելով «Ֆիզիկական կուլտուրայի և սպորտի մասին» Հայաստանի Հանրապետության օրենքի 10-րդ հոդվածի, «Տարածքային կառավարման մասին» Հայաստանի Հանրապետության օրենքի 5-րդ հոդվածի 3-րդ մասի և 16-րդ հոդվածի պահանջներով

որոշում եմ՝

1. Հաստատել

1) վոլեյբոլի 2025 թվականի մարզային մրցաշարի կազմակերպման և անցկացման կազմկոմիտեի կազմը՝ համաձայն N 1 հավելվածի.

2) վոլեյբոլի 2025 թվականի մարզային մրցաշարի կանոնակարգը՝ համաձայն N 2 հավելվածի.

3) վոլեյբոլի 2025 թվականի մարզային մրցաշարի անցկացման մրցավարական հանձնաժողովի կազմը՝ համաձայն N 3 հավելվածի.

2. Մարզպետի աշխատակազմի առողջապահության և սոցիալական ոլորտի հարցերի վարչության պետ Լուսինե Վարդանյանին՝ վոլեյբոլի 2025 թվականի մարզային մրցաշարի անցկացման օրերին համապատասխան հաստատություններում ապահովել մասնակիցների առաջին բժշկական օգնությունը:

3. Մարզպետի աշխատակազմի անձնակազմի կառավարման, փաստաթղթաշրջանառության և հասարակայնության հետ կապերի վարչության պետ Մարինե Գյարգոյանին՝ միջոցառման անցկացման գործընթացն իրականացնելու համար ապահովել սույն որոշման առաքումը համայնքներ, ուժային կառույցներ և բժշկական կենտրոններ:

10.06.2025

X

ԿԱՐԵՆ ՍԱՐԳՍՅԱՆ



ՄԱՐԶՊԵՏ՝ Подписано: SARGSYAN KAREN 3710840503

Կ. ՍԱՐԳՍՅԱՆ

ք. Գավառ

ԿԱԶՄ

Վոլեյբոլի 2025 թվականի մարզային մրցաշարի կազմակերպման և անցկացման կազմկոմիտեի

- Զազյան Կարեն - մարզպետի աշխատակազմի կրթության, մշակույթի և սպորտի
վարչության պետ /նախագահ /
- Հարությունյան Վանիկ - մարզպետի աշխատակազմի տարածքային կառավարման և
տեղական ինքնակառավարման հարցերի վարչության պետ
- Վարդանյան Լուսինե - մարզպետի աշխատակազմի առողջապահության և
սոցիալական ոլորտի հարցերի վարչության պետ
- Չարվարյան Գեղամ - մարզպետի աշխատակազմի կրթության, մշակույթի և սպորտի
վարչության գլխավոր մասնագետ
- Շահբազյան Հասմիկ - մարզպետի աշխատակազմի անձնակազմի կառավարման,
փաստաթղթաշրջանառության և հասարակայնության հետ
կապերի վարչության գլխավոր մասնագետ
- Վարդանյան Սևակ - ՀՀ Գեղարքունիքի մարզային մարզադպրոցի տնօրեն

Ստորագրող
ՍԻՄՈՆ ՄԱՆՈՒԿՅԱՆ
2201650098

2025-06-10 16:28:51 GMT+4
Հավաստված է ԷԿԵՆԳ-ի կողմից

ԳԼԽԱԿՈՐ ՔԱՐՏՈՒՂԱՐ՝



ՍԻՄՈՆ ՄԱՆՈՒԿՅԱՆ

ԿԱՆՈՆԱԿԱՐԳ Վոլեյբոլի 2025 թվականի մարզային մրցաշարի

1. Նպատակն ու խնդիրները

Վոլեյբոլի 2025 թվականի մարզային մրցաշարի /այսուհետ՝ մրցաշար/ անցկացման նպատակն ու խնդիրներն են՝ նպաստել
- ՀՀ Գեղարքունիքի մարզում վոլեյբոլ մարզաձևի մասսայականացմանը
- մարզի հավաքական թիմը համալրելու նպատակով, ի հայտ բերել լավագույն մարզիկներին
- պետական և տեղական ինքնակառավարման մարմինների, մարզական կազմակերպությունների կողմից ֆիզիկական կուլտուրայի և սպորտի ուղղությամբ իրականացվող համագործակցված աշխատանքներին:

2. Մրցաշարի անցկացման կարգը

Մրցաշարն անցկացվում է մեկ փուլով: Մրցումների անցկացման պայմանները որոշում է մրցավարական հանձնաժողովը՝ հիմք ընդունելով վոլեյբոլի միջազգային ֆեդերացիայի կանոնակարգը. իսկ անցկացման կարգը՝ ելնելով հայտ ներկայացրած թիմերի քանակից /շրջանաձև, կիսաօլիմպիական կամ օլիմպիական համակարգով՝ երեք խաղափուլով/: Ութ և ավելի թիմերի մասնակցության դեպքում թիմերը վիճակահանությամբ կբաժանվեն ենթախմբերի և ենթախմբերում 1-ին և 2-րդ տեղեր գրաված թիմերը կպայքարեն մրցանակային տեղերի համար:

3. Մրցաշարի անցկացման վայրը և ժամկետները

Մրցումները կանցկացվեն մարզի տարբեր մարզադահլիճներում՝ 2025 թվականի հունիսի 24-27-ն ընկած ժամանակահատվածում, իսկ եզրափակիչ փուլի մրցումները՝ Գավառի Գրիշա Վահանի Ափրոյանի անվան մարզադպրոցի մարզադահլիճում՝ 2025 թվականի հուլիսի 2-ին: Խաղերի ժամանակացույցը (կտրամադրվի լրացուցիչ) կձևավորվի հայտերի ընդունումից և վիճակահանությունից հետո:

4. Մրցաշարի մասնակիցները

Մրցաշարին մասնակցում են համայնքապետարանների, ուժային կառույցների և բժշկական կենտրոնների կողմից ձևավորված թիմերը: Թիմի կազմը՝ 10 մարզիկ և մեկ ներկայացուցիչ: Առաջնությանը թույլատրվում է մասնակցել 18 և բարձր տարիք ունեցող մարզիկներին:

5. Մրցաշարի կազմակերպումը և ղեկավարումը

Մրցաշարի ընդհանուր ղեկավարումն իրականացնում է Հայաստանի Հանրապետության Գեղարքունիքի մարզպետի աշխատակազմի կրթության, մշակույթի և սպորտի վարչությունը: Մրցումները կազմակերպում և անցկացնում է մրցավարական հանձնաժողովը:

6.Ֆինանսական ծախսերը

Մրցաշարին մարզիկների մասնակցության ճանապարհածախսի , օրապահիկի և մարզական հագուստի հարցերը հոգում են գործուղող կազմակերպությունները:

7.Պարգևատրումը

Մրցումներում 1-3-րդ տեղերը գրաված թիմերը և մարզիկները կպարգևատրվեն դրամական պարգևներով, համապատասխան հավաստագրերով և գավաթներով:

8.Հայտերը

Մրցումների մասնակցության հայտերը ներկայացվում են ՀՀ Գեղարքունիքի մարզպետի աշխատակազմի կրթության, մշակույթի և սպորտի վարչություն մինչև 2025 թվականի հունիսի 20-ը:

Ստորագրող
ՍԻՄՈՆ ՄԱՆՈՒԿՅԱՆ
2201650098

2025-06-10 16:31:20 GMT+4
Հավաստված է էԿԵՆԳ-ի կողմից



ԳԼԽԱՎՈՐ ՔԱՐՏՈՒՂԱՐ՝

ՍԻՄՈՆ ՄԱՆՈՒԿՅԱՆ

ԿԱԶՄ

**Վոլեյբոլի 2025 թվականի մարզային մրցաշարի անցկացման մրցավարական
հանձնաժողովի**

- Սարգսյան Ստյոպա - ՀՀ Գեղարքունիքի մարզային մարզադպրոց մարզիչ
/գլխավոր մրցավար, համաձայնությամբ /
- Վարդանյան Սևակ - ՀՀ Գեղարքունիքի մարզային մարզադպրոցի տնօրեն
/մրցավար/
- Մովսիսյան Հրայր - ՀՀ Գեղարքունիքի մարզային մարզադպրոց մարզիչ
/մրցավար, համաձայնությամբ/
- Բադեյան Գագիկ - Գավառի Հ. Թումանյանի անվան N 3 հիմնական
դպրոցի ֆիզկուլտուրայի ուսուցիչ /մրցավար,
համաձայնությամբ/
- Ավետիսյան Գարիկ - Սևանի Ն. Դազարյանի անվան մարզադպրոցի տնօրեն
/ համաձայնությամբ /
- Լազարյան Վահագ - Ճամբարակի մանկապատանեկան մարզադպրոցի տնօրեն
/մրցավար, համաձայնությամբ/

Ստորագրող
ՍԻՄՈՆ ՄԱՆՈՒԿՅԱՆ
2201650098

2025-06-10 16:30:31 GMT+4
Հավաստված է ԷԿԵՆԳ-ի կողմից

ԳԼԽԱՎՈՐ ՔԱՐՏՈՒՂԱՐ՝



ՍԻՄՈՆ ՄԱՆՈՒԿՅԱՆ